

Na osnovu člana 82. Zakona o visokom obrazovanju («Službene novine Kantona Sarajevo», broj: 43/08), člana 191. Pravila Građevinskog fakulteta u Sarajevu, člana 24. Pravila studiranja za treći (III) ciklus studija na Univerzitetu u Sarajevu, Odluke o saglasnosti na Program trećeg ciklusa studija Senata Univerziteta u Sarajevu broj: 01-38-3206-2/09 od 23.12.2009. god. i Odluke Upravnog odbora, broj: 01-1-1782-2/09 od 20.01.2010. god., Građevinski fakultet u Sarajevu, **r a s p i s u j e**

K O N K U R S
za upis studenata
TREĆEG CIKLUSA studija – DOKTORSKI STUDIJ
na Građevinskom fakultetu u Sarajevu

I

Konkurs se raspisuje za upis studenata u treći ciklus studija – doktorski studij koji se organizuje iz oblasti/polja građevinarstva i geodezije.

Studij se organizuje u trajanju od tri godine, a njegovim završetkom stiče se akademska titula i naučno zvanje doktor tehničkih nauka/znanosti iz oblasti građevinarstva, odnosno doktor tehničkih nauka/znanosti iz oblasti geodezije.

II

Uvjeti za upis:

Na konkurs se mogu prijaviti sljedeći kandidati:

1. kandidati koji su stekli diplomu VII stepena obrazovanja iz oblasti građevinarstva, odnosno geodezije, za koju je fakultet na kojem je diploma stečena izdao uvjerenje da odgovara akademskoj tituli i stručnom zvanju "magistar", u skladu sa Zakonom o visokom obrazovanju Kantona Sarajevo i Pravilnikom o korištenju akademskih titula i sticanju naučnih i stručnih zvanja na visokoškolskim ustanovama u Kantonu Sarajevo,
2. kandidati koji su stekli diplomu drugog ciklusa studija akademskog zvanja magistra ili ekvivalenta iz oblasti građevinarstva, odnosno geodezije,
3. kandidati koji ispunjavaju uvjete iz tačke 1. i 2., a koji su obrazovanje stekli u oblasti drugih tehničkih ili prirodnih nauka, uz obavezu polaganja određenog broja ispita prediplomskog i diplomskog studija građevinarstva, odnosno geodezije. Ispite iz tačke 3. koje kandidati trebaju upisati i položiti određuje Vijeće doktorskog studija, a kandidat je obavezan položiti utvrđenu razliku ispita do kraja III semestra.
4. kandidati koji su stekli naučni stepen magistra nauka po prethodnom Zakonu o visokom obrazovanju, kojima će se priznati 60 (E)CTS studijskih bodova.
5. kandidati koji su strani državljani prijavljuju se na Konkurs pod istim uvjetima kao i državljani Bosne i Hercegovine.

Visina školarine iznosi 7.000,00 KM, po studijskoj godini.

Uz prijavu na konkurs kandidati su obavezni dostaviti:

- Biografiju
- Diplomu o završenom prethodnom obrazovanju (original ili ovjerena kopija),
- Uvjerenje o položenim ispitima (original ili ovjerena kopija),
- Uvjerenje o poznavanju jednog stranog jezika (original ili ovjerena kopija),
- Izvod iz matične knjige rođenih, odnosno uvjerenje o državljanstvu za strane državljane,
- Uplatnicu u iznosu od 100,00 KM na transakcijski račun Građevinskog fakulteta u Sarajevu kod Raiffeisen Bank d.d. Sarajevo broj: 1610000002610087, u svrhu obrade podataka.

III

Studij se organizuje za 40 studenata iz oblasti građevinarstva i 20 studenata iz oblasti geodezije.

Nastava na studiju će se organizovati ukoliko se na ovaj konkurs prijavi najmanje 10 kandidata za oblast građevinarstva, odnosno 10 kandidata za oblast geodezije.

U slučaju da broj prijavljenih kandidata koji su stekli uslove za upis bude veći od utvrđenog broja, izbor kandidata za upis vršit će se na osnovu rezultata postignutih na drugom ciklusu studija.

IV

Konkurs ostaje otvoren 30 dana od dana objavljivanja.

Prijave dostaviti na Protokol Građevinskog fakulteta ili preporučeno poštom na adresu: Građevinski fakultet u Sarajevu, Ul. Patriotske lige, broj 30. 71000 Sarajevo

Detaljnije informacije, nastavni plan i program dokorskog studija mogu se dobiti u Studentskoj službi Fakulteta, odnosno na telefon broj: 278-451.